

DOUE HA BREIZ




★  
BEPRED  
★


PARREZ SANT-NOUGA

# Kantik Sant Yan-Vadezour

DISKAN




Em - banner bras ar bi - ni - jen Hi -



rio se - la - ouit hor pe - den - Sant



Yan - Ka - ret hoc'h bet gant Hor Zalver C'houi



'zo pro - fet, c'houi 'zo mer - zer.

I

Etouez bugale ar merc'hed  
Biskoaz ne-z-euz ket bet kavet — nikun —  
A ve brasoc'h eget Sant Yan,  
Jezuz hen lavar e unan.

II

Yaouankik c'hoaz el leac'hiou gouez  
Hoc'h bet kaset gant an elez — Sant Yan —  
Pell diouz an dud, tost da Zoue :  
C'houi 'jomas pur korf hag ene.

III

Na rust eo bet ho pinijen,  
Kroc'hen kanval en ho kerc'hen — Sant Yan —  
Biskoaz na gwin, na tamm bara :  
Grisiou c'hoero evit beva.

IV

Dre nerz ho mouez eil Elias  
An dezert oll a dregernas — e reas —  
Kalz pec'herien 'deuas d'ar Jourdin  
O skei gant keuz var o feultrin.

V

Setu Jezuz, Salver ar bed  
O tont da veza badezet — Jezuz —  
En er gren a e skuilljoe'h dour  
Var benn ho Mestr, Yan-Vadezour.

VI

Ma krenit dirak Mestr ar bed  
Dirak an dud ne grenit ket, — Sant Yan —  
Tavit, tavit, tud digaloun  
Ar profet bras n'oar ket kaout aoun.

## VII

« Selaou Herodez te ' ra fall  
» Derc'hel ganez pried eun all : — selaou —  
» Varnot ha varni eb dale  
» E pouezo dourn justis Doue. »

## VIII

Eur c'hreg gant he merc'h danserez  
A reaz d'eoc'h-hu koll ho puez — Sant Yan —  
Malloz d'an danz ha d'ar visou  
Goad hag ifern ouz o seuliou !

## IX

Var eur plad e kreiz eur banked  
Ho penn santel ' oue digaset — Sant Yan —  
« Sell ouz penn Yan, Herodez kriz  
» Ar penn-ze a veli noz-deiz ! »

## X

Mervel zo berr, dir ar c'heleze  
D'ar merzer ' oue alc'houez an nev — e oue —  
Na c'houi zo kaer e lez hon Tad  
Badezour, badezet er goad !



Ama gwechall kaera chapel  
A c'houdore an dud fidel — Sant Yan —  
Diredet euz a dro var dro  
Skuiz maro ar c'halz anezo.

## XII

Ar skuizder-ze n'eo ket padus  
En ho kichen, mignon Jezuz — Sant Yan —  
Dour ho feunteun ' dorr ar sec'hed,  
Ha d'an izili ' ro 'r yec'hed.

### XIII

A veac'h ho pardon ' zo digor  
Ma z-eo rentet tud an Arvor; — Sant Yan —  
Ho feunteun ' zo ganto kelc'het  
Daoulinet oll, o fenn stouet.

### XIV

Daou zeŕvez e veler savet  
Varzu ennoe'h mil breac'h goalc'het — Sant Yan —  
Gant an dour euz an eienen;  
Lod all her skuill en o c'herc'hen.

### XV

Peb pelerin goude raktal  
A gas ar chapeled d'e dal — Sant Yan —  
Hag a ra teir zro d'ho chapel  
'Vit obten e vennad sanctel.

### XVI

Gwelit : ne baouez d'ho pedi ;  
Badezour eürus ar Messi, — Sant Yan —  
Varnan grit eur sell a druez ;  
En han' Done, klevit e vouez.

### XVII

Skuillit bennoz var bep hini  
'Zo bet hirio ouz ho meuli — Sant Yan —  
En o buez, var o maro  
Kemerit soursi anezo.

### XVIII

Ma z-eo dalc'het er Purgator,  
Da vugel Sant-Nouga roît skor — Sant Yan —  
'Vit ma nijo pur ha sanctel  
Varzu an nev, a denn askell.